



**Etxarri Aranazko Udala**  
Kale Nagusia 10 (KP 31820)  
udala@etxarriaranatz.eus  
www.etxarriaranatz.eus  
Tef. 948460004

---

## **KATTUKA HAUR ESKOLAN 0-2 ZIKLORAKO FAMILIEI DIRULAGUNTZAK**

### **EMATEKO DEIALDIA OINARRIAK 2017/2018**

---

#### **1. XEDEA ETA HELBURUA.**

Deialdi honen xedea da Kattuka zentroan 0-3 zikloan matrikulatuta dauden 0 eta 2 urte bitarteko haurren familiei diru-laguntzak emateko araubidea ezartzea. Diru-laguntzak lehia bidezko prozedurari jarraikiz emango dira, eta haien xedea da familia eta erreferentziazko zentro publiko batean derrigorrezkoa ez den hezkuntza bateratzen lagundu eta sustatzea. Izan ere, Kattuka herritik kanpo egon arren, inguru hurbilean dago eta zerbitzu zabalak izateaz gain, herrian eskaintzen diren zerbitzuentzako beharrezko osagarria da — orain arte, herriaren eta zentroaren artean lankidetzeta-hitzarmena zegoen zentroa finantzatzeko—.

Deialdi honetatik kanpo gelditzen dira beste Haur eskolan matrikulatutako haurrak.

Lagundutako jarduera finantzatzeko nazioko, Europar Batasuneko zein nazioarteko erakunde diren administrazio edo entitate publiko edo pribatutik lortutako diru laguntzekin osagarria izango da honako diru laguntza hau.

#### **2. FINANTZIAZIOA.**

2.1. Diru-laguntza hauek 2017.urteko aurrekontuan horretarako egokitutako 3.900 euroko kontu-sailaren kargura finantzatuko dira. Laguntzaren zenbatekoa, edonola ere, udal aurrekontuetan xede horretarako ezarritako zenbatekoak baldintzatuko du.

---

---

### **3.-ENTITATE ONURADUNEK BETE BEHARREKO BALDINTZAK.**

Deialdi honetan ezarritako laguntzak jaso ahalko dituzte baldintza hauek biltzen dituzten familiak:

-0-2 urteko haurra izatea eta herriko bi urtekoen gelak onartua ez izana.

-Etxarri Aranatzen erroldatua izatea bi guraso edo tutore legalak eta haurra eta herrian errealitatean bizitzea gutxienez 9 hilabete urtean eta eskaera egin baino urte bat lehenago.

-2017/2018 ikasturtean Kattuka Haur Eskolan izena ematea, lanaldia kontuan izan gabe.

-Zerga betebeharrak Nafarroako Gobernuarekin eta udalarekin eta Gizarte Segurantzarekikoak beterik izatea diru-laguntza eskatzen duten egunean.

### **4. DIRUZ LAGUNTZEKOAK DIREN ARLOAK ETA JARDUEREK BETE BEHARREKO BALDINTZAK.**

Diruz lagunduko den jarduera Kattuka Haur Eskolara joatea 2017/2018 ikasturtean, lanaldia kontuan izan gabe.

### **5. AURKEZPEN EPEA ETA LEKUA.**

Eskaerak Udalaren erregistroan aurkeztuko dira 2017ko urriaren 15a baino lehen.

Ikasturtearen barruan egindako matrikulen kasuan, ikasturtea bukatu arte onartuko dira diru-laguntza eskabideak, eta behin ikusita zenbat eskabide dauden eta horretarako partidan zenbat diru dagoen, diru-laguntzak emango dira, hain zuzen ere, urte osoari dagokion zati proportzionala.

### **6. DOKUMENTAZIOA:**

Laguntzen eskaerak, oinarri hauetako I. eranskinean jasotako ereduari jarraituz, Udaleko erregistroan aurkeztuko dira, bi guraso sinaturik, dokumentazio honekin batera:

- a) Kattukan 2017-2018 ikasturterako egindako matrikularen kopia.
  - b) Famili liburuaren fotokopia
  - c) SEPAn dokumentua bi guraso edo patria potestad dutenen sinadurekin.
-

---

d) Zerga-betebeharrak eta gizarte segurantzako ordainketak eguneratuak dituela ziurtatzen duen egiaztagiria. Entitate eskatzaileak, indarrean den legediari jarraituz, obligaziozko harremanik baldin badu Gizarte Segurantzarekin, harekiko betebeharrak eguneratuak dituela frogatzen duen ziurtagiria aurkeztu beharko du, Gizarte Segurantzaren diruzaintza orokorrak luzatua. Pertsona duen zerga-betebehar bakarra Etxarri Aranazko Udalarekikoa bada, eskabidean berariazko aitortpena egingen du eta Udalak berak emanen du aipatutako ziurtagiria, ofizioz.

e) Eskatzaileak sinatutako zinpeko aitortpena, jarduera berdinerako diru laguntzarik eskatu edo jaso ez izana ziurtatzen duena, baiezkoko kasuan zein erakunderi eskatu zaion eta zenbatekoa zehazturik. (I.Eranskinean txertatua)

f) Baimena udalak jaso ahal izateko diru laguntza jasotzeko behar den justifikazioak. Hain zuzen ere, a, b eta g) paragrafoak eta 12. artikuluan eskatzen dena Kattukak zuzenean udalri aurkezteko.

g) Diru laguntza aurretik jasotzeko eskaera (eskaera ereduan gehituko da)

h) Eskabidearen baloraziorako aurkeztu nahi den dokumentazio osagarri oro.

d) puntuan eskatutako dokumentazioa diru laguntza jaso aurretik dokumentuak aurkeztu beharko da.

## **7. DOKUMENTAZIOAREN BERRIKUSPENA ETA AKATSEN ZUZENKETA.**

Eskabidea eta oinarri hauetan eskatutako dokumentazioa aztertuta akatsik atzematen badu edo dokumentazioa falta bada, hala jakinaraziko zaio eskatzaileari eta hamar egun balioduneko epea emanen zaio, jakinarazpena jaso eta biharamunetik kontatzen hasita, okerrak zuzen ditzan. Epea iragan eta horrela egiten ez badu, eskaerari uko egin diola ulertuko da, aitzinetik ebazpena emanda, Herri Administrazioen Araubide Administrazio Prozedura Erkideari buruzko 39/2015 Legearen 73 artikuluan xedatuarekin bat.

## **8. DIRU-LAGUNTZAK EMATEA, HAIEN ZENBATEKOA ETA MUGA.**

Diru-laguntzak lehiaketaren prozedura erabiliz emanen dira. Horretarako, diru-laguntzak emanen dira diruz lagundu daitekeen aurkeztutako eskabideak alderatuz, haur bakoitzeko kopuru bera, hau da 300 euro.

---

---

Emandako diru-laguntzen gehienezko zenbatekoak ez du gaindituko egindako gastuak ken lortutako diru-sarreraren zenbatekoa.

Nolanahi ere, aurrekontuan zer diru dagoen eta zenbat eskatzaile dauden, beharrezkoa bada onuradun bakoitzari dagokion ekarpena proportzioan murriztuko da.

Onartuko diren diru laguntzen zenbatekoak ezin izango du gainditu elkarte bakoitzari onartutako aurrekontuaren gastua.

Aldi bereraren, banaketa egin ondoren dirua soberan geratzen bada, defizita duten jarduera edo programaen artean banatu ahalko da, aurrekontuaren arabera eta proportzionalki.

## **9.EBAZPENA**

9.1. Udalak ofizioz egiaztatuko du ezarritako baldintzak betetzen diren, eta, beharrezkoa bada, zentroarekin kontrastatuko ditu datu horiek.

Udalak honako datu hauek egiaztatuko ditu: erroldatze-datuak, matrikulazioa egin den eta zentroari egindako ordainketak, udal ogasunarekiko betebeharretan egunean egotea, herriko beste zentro batzuetan onartua ez izana eta behar diren gainerako datuak. Beste erakunde batzuek Udalak eskatutako datuak emango ez balituzte, familiak eman beharko ditu datu horiek.

Eskaeren ebazpena Etxarri Aranazko Udaleko alkateak egingen du. Ebazpena erabaki eta jakinarazteko epeak ez du 3 hilabeteko epea gaindituko, deaildia argitaratu den egunetik hasita. Epe hori pasatzen bada inolako ebazpenik gabe, eskatzaileak eskabidea ezeztatua bezala ulertu ahalko du.

9.2.-Ebazpen horrek amaiera ematen dio administrazio bideari, eta haren kontra, hautara, errekurtsio hauetakoren bat para daiteke:

9.2.1.-Administrazioarekiko auzi-errekurtsioa, Nafarroan administrazioarekiko auzietan eskumena duen organoari zuzendua, bi hilabeteko epean ebazpena jakinarazi eta biharamunetik hasita.

9.2.2.-Gora jotzeko errekurtsioa, Nafarroako Administrazio Auzitegiari zuzendua, hilabeteko epean, ebazpen hau jakinarazten denetik hasita.

9.2.3.-Berraztertzeko errekurtsioa, egintzaren organo egileari zuzendua, hilabeteko epean, ebazpen hau jakinarazi eta biharamunetik hasita.

9.3. Eskaera luzatu duen pertsonari deialdiaren ebazpenaren berri emango zaio, baita

---

---

lagunduko diren jardueren berri ere. Onespena jendaurrean jarriko da, udaletxeko iragarki oholean.

9.4. Diru laguntzek elkarte eskatzailearen jardueraren kostuak sorrarazitako defizitaren atal bat arintzeko helburua dutela ulertuko da, hau da 0-3 zentruaren matricularen gastuak.

9.5. Diru laguntzaren zenbatekoa Etxarri Aranazko Udalaren aurrekontuetan xede horrekin berarekin dagoen diru kopuruak baldintzatuko du beti ere.

## **10.ONURADUNEN BETEBEHARRAK.**

10.1. Elkarte onuradunek betebeharrak izanen dituzte:

a) Proiektuaren garapenean gertatzen den eta haren aldaketa ekar dezakeen edozein gora-beheraren berri emanen zaio Udalari, gertatzen den momentuan. Proiektuan edozein aldaketa egiteko udalaren adostasuna beharko da jarudera burutu baino lehen. ,

b) Udalaren ebaluazio lanak onartu eta erraztea.

d) Diru-laguntza hori erabiliko da soil-soilik deialdi honetan diruz lagundutako jarduera gauzatzeko, hau da 0-3 zentrua ordaintzeko.

f) Lagundutako jarduera finantzatzeko lortutako beste diru-laguntza, laguntza, diru-sarrera edo baliabideen berri ematea Udalari. Jakin bezain laster emanen da haien berri eta, betiere, jasotako dirua zertan erabili den frogatu baino lehen.

10.2. Ekitaldi ekonomiko zehatz baten kontura diru-laguntza bat jasotzeak ez dakar inolako eskubiderik, hurrengo urteetan diru-laguntzak jasotzeko.

10.3.-Diru-laguntza emanda, onartutzat joko da, espresuki uko egiten ez zaio. Bertzenaz, ulertuko da onartu dela emandako zenbatekoa eta eskatzaileak konpromisoa hartuko du jarduera gauzatzeko, hau da 0-3 zentruan ikasturte osoan joatea.

## **11. ORDAINKETA, JUSTIFIKATZEKO MODUA ETA EPEA.**

11.1. Entitate onuradunek agiri hauek aurkeztu beharko dituzte udal erregistroan, 2017ko abenduaren 1etik 2018ko abuztuaren 31ra arte:

Haurra haur eskolara joan dela egiaztatzen duen ziurtagiria, bai eta ordaindutako matrikularen egiaztagiria ere. Ziurtagiria zentroak Etxarri Aranazko Udalarentzat propio egindako txosten orokorra ordezkatu ahal izango du, betiere Udalak aurrez eskatu ondoren.

---

11.2. Esleitutako diru laguntza osoa justifikatu beharko da. Justifikatutako gastua esleitutako diru laguntza baino txikagoa balitz diru laguntza justifikatutakoaren araberakoa izango da.

11.3. 2017ko abendutik aurrera, eskatzaileek konturako ordainketa bat eskatzen ahalko dute, betiere esleitutako diru-laguntzaren zenbateko bera edo handiagoa ordaindu dutela egiaztatu ondoren. Konturako ordainketa izango da eta ikasturte amaieran bertaratze-agiria aurkeztu ondoren egingo da behin betiko likidazioa. Haurrak ikasturtea bukatu ez badu, diru-laguntza eguneratu eta, kasua bada, dirua itzuli beharko da.

11.4. Diru laguntzaren ordainketa egin ahal izateko dokumentazioa jaso ezean diru laguntzari uko egiten zaiola ulertuko da. Aurkeztutako dokumentazioa aztertuta akatsik antzematen bada edo dokumentazioa falta bada, eskatzaileari eta hamar egun balioduneko epea emanen zaio okerrak zuzen ditzan. Epea iragan eta horrela egiten ez bada, eskaerari edo dirulaguntza zati bati uko egin diola ulertuko da.

## **12. EZ BETETZEA.**

12.1. Deialdi honetako oinarrietan ezarritakoa ez betetzeak, datuak faltsutzeak, edo, diru laguntza zein xedetarako eman zen, horien funtsezko aldaketak, diru laguntzaren galera ekarriko du, eta jaso diren zenbatekoak itzuli beharra ere bai. Halaber, xede berarekin edo beretsuarekin gero beste eskaririk egiten bada, ez da onartuko.

12.2. Oinarri hauetan ezarritako betebeharren bat ez betetzeak diru-laguntza deusezteka ekarriko du.

## **13. ARAUTEGI ERREGULATZAILEA**

Deialdi hau arautzen dute deialdi honetan bildutako oinarriek, Etxarri Aranazko Udalaren diru-laguntzak emateko ordenantzak eta bertan aurreikusi gabekoetan azaroaren 17ko 38/2003 Legeak eta gainontzeko dagozkion legedian ezarritakoak.

## **14. DATUEN BABESA.**

Datu Pertsonalen Babesari buruzko abenduaren 13ko 15/1999 Lege Organikoan

---

---

ezarritakoa betez, jakinazten dizugu deialdia hau dela eta biltzen diren datu pertsonalak Etxarri Aranazko Udalaren titulartasuneko fitxategi informatizatu batean sartu ahalko direla (Kale Nagusia 10, 31.820 Etxarri Aranatz). Era berean, jakinarazten dizugu baduzula eskubidea datu horiek ikusi, zuzendu, ezabatu eta haien kontra agertzeko, Udalaren Erregistro Orokorreara joz horretarako (Kale Nagusia 10, 31.820 Etxarri Aranatz).

## **15.-HELEGITEAK**

Deialdi horrek amaiera ematen dio administrazio bideari, eta haren kontra, hautara, errekurtsio hauetakoren bat para daiteke:

1.-Administrazioarekiko auzi-errekurtsioa, Nafarroan administrazioarekiko auzietan eskumena duen organoari zuzendua, bi hilabeteko epean ebazpena jakinarazi eta biharamunetik hasita.

2.-Gora jotzeko errekurtsioa, Nafarroako Administrazio Auzitegiari zuzendua, hilabeteko epean, ebazpen hau jakinarazten denetik hasita.

3.-Berraztertzeke errekurtsioa, egintzaren organo egileari zuzendua, hilabeteko epean, ebazpen hau jakinarazi eta biharamunetik hasita.

Etxarri Aranazen, 2017ko uztailaren 5ean

Alkateordea

Maria Saez de Albeniz